

S isch wider Advänt

RG 377 / KG 299 / G.EmK 161, Wir sagen euch an den lieben Advent

Melodie: Heinrich Rohr

Mundarttext: Christof Fankhauser

1. S isch ^Dwider Advänt, ^Adrum singe mir ^Dfroh,

^Ddie erschi ^ACherze ^Dlüchtet scho.

^DAls Liecht i der ^GNacht ^Abegleitet ^Dsi mi,

^{Hm}wyst mi ^{D/F#}uf ds ^ACho ^Dvom Retter hi.

^AFröiet öich ^{D/A}alli, ^Afröiet öich ^Dsehr, ^{Hm}naach isch ^GGott, ^Aüse ^DHerr.

2. S isch wider Advänt, drum singe mir froh,
die zwöiti Cherze lüchtet scho.

Löt ds Guete la würke, nät enand aa,
so wi s ou Gott a üs het ta.

Fröiet öich alli, fröiet öich sehr,
naach isch Gott, üse Herr.

3. S isch wider Advänt, drum singe mir froh,
die dritti Cherze lüchtet scho.

So traget das Liecht, vor Cherze der Schyn
yne i d Wält zu gross und chlyn.

Fröiet öich alli, fröiet öich sehr,
naach isch Gott, üse Herr.

4. S isch wider Advänt, drum singe mir froh,
die vierti Cherze lüchtet scho.

Gott sälber wird Mönsch, wott naach bi üs sy,
setzt sich als Retter für üs y.

Fröiet öich alli, fröiet öich sehr,
naach isch Gott, üse Herr.